

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 244557 24 St
Zenica, 04.09.2026. godine

Općinski sud u Zenici, stečajni sudija Samra Spahić-Drino, u stečajnom postupku nad imovinom stečajnog dužnika GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006, odlučujući o prijedlogu za zaključenje stečajnog postupka koji je podnesen od strane stečajnog upravnika Vranac Mehmeda, nakon ročišta održanog 08.07.2026. godine u prisustvu stečajnog upravnika, Zilić Fahrudina, punomoćnika povjerioca Almy d.o.o. Zenica, i Armine Dedić, punomoćnice povjerioca Porezna uprava FBiH, Kantonalni porezni ured Zenica, van ročišta, dana 04.09.2026. godine, donio je:

R J E Š E N J E

Zaključuje se stečajni postupak nad imovinom stečajnim dužnikom GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006, nakon namirenja razlučnog povjerioca u iznosu od 4.516,88 KM što u procentu iznosi 8,26 % i nakon djelimičnog namirenja troškova stečajnog postupka u iznosu od 1.733,12 KM, zbog nedostatka stečajne mase.

Ovo rješenje objavit će se u „Službenim novinama F BiH“, a dostava se smatra izvršenom istekom pet dana od dana oglašavanja istog.

Pravne posljedice zaključenja stečajnog postupka nastupaju u roku od osam dana od dana objavljivanja rješenja u „Službenim novinama F BiH“.

Po pravosnažnosti rješenja o zaključenju stečajnog postupka, naređuje se brisanje stečajnog dužnika iz registra privrednih društava kod Općinskog suda u Zenici, koji je upisan pod matičnim brojem subjekta upisa 43-01-0236-18 i svih javnih registara.

O b r a z l o ž e n j e

Rješenjem ovog suda broj: 43 0 St 244557 24 St od 11.03.2025. godine otvoren je stečajni postupak nad stečajnog dužnika GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006.

Stečajni upravnik Vranac Mehmed je podneskom od 02.12.2025. godine, predložio zaključenje stečajnog postupka zbog nedostatka stečajne mase uz dostavu izvještaja o provedenim radnjama, a nakon što je održano ročište 24.02.2026. godine na kojem je utvrđeno da se trebaju provesti dodatne radnje, te nakon što su iste proveden, stečajni upravnik je podneskom od 19.05.2026. godine obavijestio suda da nema smetnji za zakazivanje ročišta za zaključenje stečajnog postupka.

Stečajni upravnik je na ročištu za zaključenje stečajnog postupka koje je održano 08.07.2026. godine izjavio da je u toku postupka prijavljeno i priznato od strane stečajnog upravnika potraživanje u iznosu od 394.429,40 KM, da je iznos od 339.145,23 KM smješten u opći isplatni red, 631,80 KM niži isplatni red, dok je za iznos 54.652,44 KM priznato pravo na odvojeno namirenje i to razlučnom povjeriocu Porezna uprava FBiH, KPU Zenica. U toku postupka stečajna masa je unovčena za iznos od 6.250,00 KM za što je stečajni upravnik dobio saglasnost razlučnog povjerioca te je u skladu s čl. 168. Zakona o stečaju ostvareni iznos umanjen za troškove procjene vrijednosti stečajne mase, zatim troškove plaćenog PDV-a na postignutu cijenu i iznos od 10 % na postignutu prodajnu cijenu u iznosu od 625,00 KM, što ukupno čini 1.733,12 KM. Razlučni povjerilac je namiren u iznosu od 4.516,88 KM što iznosi 8,26 % od priznatog razlučnog prava navedenog povjerioca što znači da nije namiren za iznos od 50.135,56 KM ili 91,74%. Dalje je izjavio da stečajni dužnik više nema stečajne mase i nije bilo raspoloživih sredstava za izmirenje povjerilaca općeg i nižeg isplatnog reda. Predložio je zaključenje

stečajnog postupka zbog nedostatka stečajne mase tj. jer se troškovi stečajnog postupka ne mogu namiriti. Punomoćnik stečajnog povjerioca ALMY d.o.o. Zenica Zilić Fahrudina izjavio je da nema primjedbi na izvještaj ni na prijedlog sudu da se traži predujam u iznosu od 5.000,00 KM, a UIO se ne protivi prijedlogu za zaključenje stečajnog postupka. Punomoćnica Porezna uprava FBiH, Kantonalni Porezni ured Zenica, Armina Dedić izjavila je da se ne protivi prijedlogu za zaključenje stečajnog postupka.

Sud je izvršio uvid u izvještaj stečajnog upravnika i podneske koje je isti tokom postupka dostavljao te utvrdio da su priznata potraživanja povjerilaca Porezna uprava F BiH, Kantonalni porezni ured Zenica u iznosu od 162.301,11 KM od čega je za iznos od 54.652,44 KM priznato pravo na odvojeno namirenje, a iznos od 107.648,67 KM svrstan u opći isplatni red, zatim Geoametist d.o.o. Sarajevo u iznosu od 13.340,34 KM svrstan u opći isplatni red, Almy d.o.o. Zenica u iznosu od 42.058,50 KM od čega 41.426,70 KM svrstan u opći isplatni red, a 631,80 KM u niži isplatni red, i UIO BiH, RC Tuzla u iznosu od 176.802,36 KM svrstan u opći isplatni red; da je stečajni dužnik od imovine imao pokretne stvari i to TMV Renault Master (specijalno vozilo za prevoz stakla), proizvedeno 2006. godine, procijenjeno od strane stalnog sudskog vještaka na iznos od 3.896,04 KM i Kransak građevinska dizalica Alfa A 32 Super, proizvedeno 2004. godine, procijenjeno od strane stalnog sudskog vještaka na iznos od 21.043,38 KM, na kojima su založna prava upisana u korist Porezna uprava F BiH, Kantonalnog poreznog ureda Zenica, te da svi povjerioci nisu namireni, izuzev djelimičnog namirenja razlučnog povjerioca Porezna uprava F BiH, Kantonalni porezni ured Zenica u iznosu od 4.516,88 KM, kao i djelimičnog namirenja troškova postupka; a utvrđeno je i da stečajni dužnik nema druge imovine koja bi činila stečajnu masu.

Slijedom navedenog, kako nema druge imovine koja bi činila stečajnu masu, shodno odredbi člana 196. Zakona o stečaju, sud je rješenjem od 08.07.2026. godine pozvao povjerioce i zainteresovana lica da u roku od 30 dana od dana objavljivanja rješenja uplate predujam u iznosu od 3.000,00 KM na ime daljnjeg vođenja stečajnog postupka, nad stečajnim dužnikom GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006, s obzirom da stečajna masa nije dovoljna da pokrije troškove stečajnog postupka, uz upozorenje da ukoliko povjerioci i zainteresovana lica u navedenom roku ne uplate predujam sud će donijeti rješenje o zaključenju stečajnog postupka nad imovinom stečajnog dužnika GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006 i po pravomoćnosti rješenja o zaključenju stečajnog postupka brisati ovo društva iz sudskog registra.

Navedeno rješenje je objavljeno u Službenim novinama FBiH broj 54 od 17.07.2026. godine na web stranici suda.

Do datuma donošenja ovog rješenja niko od povjerioci i zainteresovana lica nije izvršio uplatu iznosa prema rješenju niti je sudu dostavio dokaz o izvršenoj uplati, u skladu sa donesenim rješenjem.

Imajući u vidu prijedlog stečajnog upravnika za zaključenje stečajnog postupka, a kako iz izvještaja stečajnog upravnika i drugih dokaza u spisu proizilazi da su unovčenjem stečajne mase djelimično namireni razlučni povjerilac i troškovi stečajnog postupka, te da ne postoji druga stečajna masa za namirenje ostatka troškova stečajnog postupka niti namirenje potraživanja povjerilaca, a niti je neko od pozvanih izvršio uplatu iznosa potrebnog za dalje vođenje stečajnog postupka, kao i činjenicu da bi se daljnjim vođenjem postupka stvarali troškovi koje stečajni upravnik ne bi mogao izmiriti, to je sud na osnovu člana 196. Zakona o stečaju ("Sl. novine F BiH" broj: 53/21) donio odluku kao u izreci.

PRAVNA POUKA:

Protiv ovog rješenja stečajni povjerioci i stečajni dužnik imaju pravo žalbe, u roku od 8 dana od dana objavljivanja odluke u „Službenim novinama F BiH“, Kantonalnom sudu u Zenici, putem ovog suda.

Stečajni sudija

Samra Spahić-Drino